

Adroddiad i'r	Pwyllgor Craffu Cymunedau
Dyddiad y cyfarfod	14 Mawrth 2024
Aelod / Swyddog Arweiniol	Tony Ward: Cyfarwyddwr Corfforaethol: Economi a'r Amgylchedd / Y Cynghorydd Jason McLellan: Yr Arweinydd ac Aelod Arweiniol Twf Economaidd a Threchgu Amddifadedd
Pennaeth Gwasanaeth	Emlyn Jones: Pennaeth Cynllunio, Gwarchod y Cyhoedd a Gwasanaethau Cefn Gwlad
Awdur yr adroddiad	Tony Ward
Teitl	Rhaglen Adfywio a Llywodraethu y Rhyl

1. Am beth mae'r adroddiad yn sôn?

1.1. Mae'r adroddiad hwn yn ymwneud â chyflwyno a llywodraethu Rhaglen Adfywio'r Rhyl.

2. Beth yw'r rheswm dros lunio'r adroddiad hwn?

2.1. Edrych ar effeithiolrwydd gwaith y Bwrdd Rhaglen i gyflwyno'r rhaglen adfywio hyd yma.

2.2. Adnabod unrhyw rwystrau neu lithriadau a llunio argymhellion i geisio mynd i'r afael â nhw a chynnal darpariaeth y rhaglen i ddiogelu adfywio'r Rhyl i fod o fudd i'r economi a bywydau preswylwyr y dref a'r sir yn gyffredinol.

2.3. Galluogi Aelodau i ddefnyddio eu swyddogaeth graffu, ac i alluogi'r Pwyllgor i roi adborth a her (fel bo angen), ac i wneud unrhyw argymhellion ar waith y Rhaglen yn y dyfodol.

3. Beth yw'r Argymhelliad?

3.1. Bod y Pwyllgor yn ystyried yr adroddiad ac yn darparu adborth, fel bo angen.

4. Manylion yr adroddiad

- 4.1. Sefydlwyd Rhaglen Adfywio'r Rhyl nifer o flynyddoedd yn ôl i ganolbwyntio'n benodol ar adfywiad ffisegol y Rhyl. Mae canolbwynt y rhaglen yn bennaf ar adfywio Canol y Dref, wrth barhau gyda phrosiectau adfywio eraill ar draws y dref (fel bo'r angen).
- 4.2. Mae Bwrdd Rhaglen Adfywio'r Rhyl yn gyfrifol am oruchwylio cyfeiriad strategol a darpariaeth Rhaglen Adfywio'r Rhyl ar gyfer Cyngor Sir Ddinbych. Mae'r canolbwynt ar ddarparu cynlluniau adfywio o fewn Canol y Dref y mae'r Cyngor yn eu harwain.
- 4.3. Felly mae'r Bwrdd Rhaglen yn rheoli cyfraniad y Cyngor at gyflawni Gweledigaeth Canol y Dref ynghyd ag unrhyw brosiectau adfywio perthnasol o dan arweiniad y Cyngor yn y dref. Mae Gweledigaeth Canol y Dref yn "ddogfen uwchgynllun" gynhwysfawr sydd wedi mynd trwy ymgynghoriad helaeth a bellach wedi ei mabwysiadu gan y Cyngor. Bydd y Weledigaeth hon yn tanategu adfywiad canol y dref ar gyfer y dyfodol. Mae Dogfen Diffiniad Rhaglen ynghlwm yn Atodiad 1 sy'n ymdrin â (ymysg pethau eraill) llywodraethu'r rhaglen.
- 4.4. Mae nifer o brosiectau arwyddocaol eisoes wedi eu cyflwyno trwy'r Rhaglen, ac mae nifer yn fwy yn cael eu datblygu neu eu cyflwyno. Mae dangosfwrdd Rhaglen ynghlwm yn Atodiad 2. Bydd prosiectau ychwanegol yn dechrau yn y dyfodol agos oherwydd y cyhoeddiad diweddar ynglŷn â dyfarniad LUF3 dros dro ar gyfer Dyffryn Clwyd ac mae oddeutu £13 miliwn wedi ei glustnodi ar gyfer prosiectau yn y Rhyl. Mae yna hefyd restr o brosiectau posib ar gyfer y dyfodol, oll ar amrywiol gamau o ddatblygiad. Mae'n bwysig ein bod yn gallu datblygu prosiectau posib i gam ble gellir ei gyflwyno o fewn amserlen resymol pan fo cyfleoedd cyllido yn codi yn y dyfodol.
- 4.5. Mae'r Bwrdd Rhaglen yn cynllunio adolygiad ysgafn o Weledigaeth Canol Tref y Rhyl, a fydd hefyd yn cynnwys y weledigaeth ar gyfer promenâd y Rhyl. Gan y cytunwyd ar Weledigaeth Canol Tref y Rhyl sawl blwyddyn yn ôl, mae'n teimlo'n briodol i gynnal adolygiad i edrych ar beth rydym wedi ei gyflawni, beth nad ydym, ac a yw unrhyw flaenoriaethau wedi newid. Nid yw'r gwaith hwnnw wedi dechrau eto, a byddwn yn amlwg yn ymgysylltu ag Aelodau Etholedig yn gynnar yn y broses.

5. Sut mae'r penderfyniad yn cyfrannu at Gynllun Corfforaethol 2022 i 2027: Y Sir Ddinbych a Garem?

- 5.1. Mae'r Rhaglen yn cefnogi nifer o themâu o fewn y Cynllun Corfforaethol ond mae'n elfen benodol ac arwyddocaol o'r thema Sir Ddinbych Ffyniannus.
- 5.2. Mae'r thema Sir Ddinbych Ffyniannus yn anelu i gefnogi adferiad economaidd, gan fanteisio ar gyfleoedd i alluogi trigolion i gael mynediad at gyflogaeth ac incwm da. Ei nod yw defnyddio twf economaidd fel gyrrwr i ostwng anghydraddoldeb a thlodi. Mae'n ymwneud â chydweithio gyda chymunedau a phartneriaid i gyflwyno prosiectau a mentrau a fydd yn ysgogi twf economaidd.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Mae'r Rhaglen wedi ei dylunio i gael ei chyflwyno gan ddefnyddio adnoddau sy'n bodoli cyn belled â phosib, trwy ddenu cyllid allanol i ddatblygu a chyflwyno prosiectau a fydd yn cael effaith gadarnhaol ar economi y Rhyl. Fodd bynnag, yn aml mae angen arian cyfatebol gan y Cyngor i gael arian grant allanol ar gyfer cynlluniau cyfalaf, ac mae angen adnoddau'r Cyngor yn aml i ddatblygu prosiectau i'r cam ble gellir eu cyflwyno'n realistig o fewn yr amserlen sydd ei hangen gan gynlluniau arian grant allanol.
- 6.2. Mae prosiectau cyfalaf yn aml angen cefnogaeth gan wasanaethau ar draws y Cyngor, gan gynnwys cyllid; cyfreithiol; marchnata a chyfathrebu; caffael; dylunio ac adeiladu, etc.

7. Beth yw prif gasgliadau'r Asesiad o Effaith ar Les?

- 7.1. Ni chynhaliwyd Asesiad o'r Effaith ar Les ar yr adroddiad hwn, na'r Rhaglen yn gyffredinol, ond fe'i cynhelir ar brosiectau unigol, fel bo angen.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Ni chynhaliwyd unrhyw ymgynghoriad ar yr adroddiad hwn, ac eithrio gyda'r Aelod Arweiniol. Mae'r adroddiad hwn yn galluogi ymgynghoriad gydag Aelodau trwy'r Pwyllgor Craffu. Fodd bynnag, mae llawer o ymgynghori gydag Aelodau lleol ar y Rhaglen ei hun, e.e., trwy Grŵp Ardal Aelodau y Rhyl a Grŵp Cyfeirio'r Rhyl.

9. Datganiad y Prif Swyddog Cyllid

9.1. Mae'r adroddiad yn diweddarar'r pwyllgor ar Raglen Adfywio'r Rhyl. Nid oes unrhyw geisiadau newydd ar hyn o bryd ar gyfer cyllid ychwanegol, ac mae adnoddau presennol yn cael eu defnyddio i gyflwyno prosiectau. Bydd y rhaglen yn parhau i geisio cael cymaint â phosib o gyllid allanol i gyflwyno prosiectau.

10. Pa risgiau sydd ac a oes unrhyw beth y gallwn ei wneud i'w lleihau?

10.1. Nid oes unrhyw risgiau yn gysylltiedig â'r adroddiad hwn yn benodol, ond mae gan brosiectau unigol o fewn Rhaglen Adfywio'r Rhyl eu cofrestrau risg penodol eu hunain.

11. Pŵer i wneud y penderfyniad

11.1. Nid yw'r adroddiad hwn angen penderfyniad.